

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma, održanoj 22. decembra 2004. godine, i na sjednici Doma naroda, održanoj 23. decembra 2004. godine, usvojila je

## ZAKON

### O OSNIVANJU IZVOZNO - KREDITNE AGENCIJE BOSNE I HERCEGOVINE

#### I - OSNOVNE ODREDBE

^lan 1.

#### (Cilj Zakona)

- (1) Cilj ovog zakona je da obezbijedi uslove za podsticaj izvoza roba i usluga iz Bosne i Hercegovine (u daljem tekstu: BiH), putem osiguranja i finansiranja, izdavanja garancija, kao i uspostavljanje osnova za razvoj i promociju ekonomskih odnosa Bosne i Hercegovine sa inostranstvom.
- (2) Ovaj zakon reguliše: status, djelatnost, upravljanje i rukovođenje, ovlaštenja, obaveze i finansiranje Izvozno -kreditne agencije Bosne i Hercegovine (u daljem tekstu: IGA).

^lan 2.

#### (Definicije)

- (1) "**IGA**", u smislu ovog zakona, predstavlja Izvozno - kreditnu agenciju BiH.
- (2) "**Država**", u smislu ovog zakona, predstavlja Bosnu i Hercegovinu.
- (3) "**Strana država**", u smislu ovog zakona, predstavlja svaku drugu državu osim Bosne i Hercegovine.
- (4) "**Inostranstvo**", u smislu ovog zakona, predstavlja svaku teritoriju izvan granica Bosne i Hercegovine.
- (5) "**Entitet**", u smislu ovog zakona, predstavlja Federaciju Bosne i Hercegovine i Republiku Srpsku.
- (6) "**Banka**", u smislu ovog zakona, predstavlja finansijsku instituciju koja je, od nadležne agencije za bankarstvo ili inostrane institucije za bankarske djelatnosti, licencirana za obavljanje bankarskih poslova.
- (7) "**Preduzeće**", u smislu ovog zakona, predstavlja pravni subjekt osnovan u skladu sa zakonom koji uređuje osnivanje privrednih društava, odnosno preduzeća i koji je upisan u sudski registar.
- (8) "**Osigurano poslovanje**", u smislu ovog zakona, su aktivnosti koje preduzeća obavljaju u BiH ili inostranstvu u vezi sa:
  - a) uvozom sirovina, poluproizvoda ili gotovih proizvoda;
  - b) izvozom sirovina, poluproizvoda ili gotovih proizvoda;
  - c) izvozom opreme u inostranstvo i instalisanjem i servisiranjem te opreme u inostranstvu.

## II - STIMULISANJE I FINANSIRANJE IZVOZA

^lan 3.

### (Principi)

(1) Stimulisanje izvoza i unapređenje ekonomskih odnosa sa inostranstvom zasnivaće se na sljedećim principima:

- a) precizno utvrđeni kriterijumi za kreditiranja;
- b) jedinstveni kriterijumi za izdavanje garancija radi obezbjeđenja izvoznih ugovora;
- c) jedinstven pristup pružanju informacija i obavljanju posredničkih usluga;
- d) utvrđivanje jedinstvenih kriterijuma za izdavanje polisa osiguranja izvoza.

(2) Agencija je obavezna da, na cijeloj teritoriji BiH, obezbijedi svakom zainteresovanom preduzeću pristup informacijama koje utvrdi kao rezultat principa iz stava (1) ovog člana.

## III - USPOSTAVLJANJE, ORGANIZACIJA I DJELATNOST AGENCIJE

^lan 4.

### (Uspostavljanje)

(1) Ovim zakonom osniva se Izvozno - kreditna agencija Bosne i Hercegovine.

(2) Osnivač IGA-e je Bosna i Hercegovina sa entitetima koji obezbjeđuju početni kapital srazmjerno iznosu iskorištenih sredstava Svjetske banke i sredstava donatora po Projektu hitnog pokretanja industrije i Projektu podrške izvoznim preduzećima u vremenu njihove implementacije zaključno sa 31. decembrom 2004. godine.

(3) Agencija je samostalno, nedepozitno i neprofitno pravno lice sa punim ovlaštenjima i posluje u skladu sa principima o likvidnosti i osiguranju poslovanja bez gubitka.

(4) Agencija je ovlašćena da samostalno sklapa ugovore, nabavlja i raspolaže pokretnom i nepokretnom imovinom i da bude strana u sporu.

(5) Na lica zaposlena u Agenciji ne primjenjuju se odredbe Zakona o državnoj službi u institucijama Bosne i Hercegovine.

(6) Zapošljavanje i unapređenje profesionalne karijere zaposlenih u Izvozno-kreditnoj agenciji zasniva se na javnom konkursu i profesionalnoj sposobnosti, a u skladu sa Pravilnikom o unutrašnjoj organizaciji i sistematizaciji radnih mjesta Agencije.

(7) Struktura zaposlenih u Agenciji okvirno odražava nacionalnu strukturu stanovništva BiH prema posljednjem popisu.

^lan 5.

### (Sjedište, naziv i organizaciona struktura Agencije)

- (1) Sjedište Agencije je u Sarajevu, sa filijalama u Mostaru i Banjaluci. Agencija može naknadno da otvori odgovarajuće filijale i u drugim gradovima države, uz uslov da te filijale budu finansijski održive od momenta njihovog osnivanja.
- (2) Skraćeni naziv Izvozno- kreditne agencije BiH je IGA.
- (3) Agencija ima pečat koji sadrži skraćeni naziv Izvozno-kreditne agencije, sjedište i grb BiH.
- (4) Svaka filijala ima identičan pečat koji sadrži skraćeni naziv Izvozno-kreditne agencije, naziv i sjedište filijale i grb države.
- (5) Pečat Agencije izrađuje se u skladu sa Zakonom o pečatu institucija Bosne i Hercegovine.

^lan 6.

### **(Djelatnost Agencije)**

- (1) U okviru svojih djelatnosti u državi, Agencija obavlja sljedeće dužnosti:
  - a) Direktno:
    - 1) izdavanje garancija s ciljem obezbjeđenja izvršenja izvoznih ugovora;
    - 2) kreditno osiguranje unutrašnjeg i spoljnotrgovinskog poslovanja;
    - 3) faktoring podrška;
  - b) Posredstvom banaka i drugih finansijskih institucija:
    - 1) kreditiranje lizinga opreme i transportnih sredstava u inostranstvu;
    - 2) dugoročno kreditiranje domaćih preduzeća radi izvođenja građevinskih radova u inostranstvu, finansiranja predugovorne aktivnosti u ovakvim poslovima;
    - 3) kratkoročno i dugoročno finansiranje pripreme i izvršenja izvoza;
    - 4) refinansiranje kratkoročnih i dugoročnih izvoznih kredita odobrenih od banaka ili drugih finansijskih institucija;
    - 5) osiguranje i reosiguranje izvoznih poslova i ulaganja bh. preduzeća u inostranstvu kojim se vrše osiguranja i reosiguranja od komercijalnih i nekomercijalnih rizika u vidu naknade gubitaka nastalih u osiguranim poslovima.
- (2) U okviru poslovanja sa stranim sredstvima plaćanja, Agencija obavlja sljedeće dužnosti:
  - a) odobravanje kredita i deponovanje sredstava kod finansijskih institucija i izvoznih preduzeća koja učestvuju u projektu vezanom za izvozne aktivnosti BiH;
  - b) pružanje pomoći stranim bankama ili stranim preduzećima koja su pozajmila ili deponovala sredstva kod finansijskih institucija i izvoznih preduzeća koja učestvuju u projektima podrške izvoznim preduzećima, a s ciljem izvršavanja obaveza prema tim stranim bankama ili stranim preduzećima;

- c) primanje zajmova i donacija iz vladinih i nevladinih izvora, domaćih i stranih uključujući regionalne i međunarodne organizacije;
- d) posredovanje pri finansiranju, lizingu, trgovinskom ulaganju i osiguranju poslova vezanih za garanciju;
- e) posredovanje i preuzimanje drugih aktivnosti koje se odnose ili su u vezi sa navedenim poslovima Agencije;
- f) stranim bankama i inostranim preduzećima koja pokazuju interes za ulazak u poslovne transakcije sa preduzećima i bankama u BiH pruža informacije koje se odnose na preduzeća i banke u BiH;
- g) izdavanje garancija od političkog rizika stranim investitorima i trgovcima koji vrše finansiranje preduzeća u BiH uključujući, ali se ne ograničavajući na prodaju garancija za domaću i stranu valutu protiv unaprijed definisanih političkih rizika stranim investitorima i trgovcima koji finansiraju obezbjeđenje obrtnog kapitala i drugih tipova proizvodnih investicija.

^lan 7.

**(Samostalnost)**

Agencija je samostalna u obavljanju svoje djelatnosti, u skladu sa ovim zakonom.

^lan 8.

**(Imunitet Agencije od oporezivanja)**

Imovina, aktiva i dobit Agencije, kao i njene transakcije oslobođene su od poreza na promet na usluge iz okvira djelatnosti Agencije (Porez na dodatu vrijednost - PDV, kad se uspostavi) i poreza na dobit.

^lan 9.

**(Statut Agencije)**

(1) Statutom Agencije reguliše se:

- a) organizacija i način poslovanja Agencije;
- b) nadležnost i način rada Agencije;
- c) ovlašćenja za zastupanja Agencije;
- d) prava, obaveze i odgovornosti lica koja obavljaju poslove i zadatke sa posebnim ovlašćenjima;
- e) finansijsko poslovanje i izvještavanje.

IV - UPRAVLJANJE I RUKOVANJE AGENCIJOM

^lan 10.

**(Upravni odbor)**

- (1) Upravni odbor sastoji se od pet članova. Dva člana su u ime svakog entiteta, te jedan član iz institucija BiH.
- (2) Izbor i imenovanje članova Upravnog odbora vrši Savjet ministara Bosne i Hercegovine na prijedlog vlada entiteta i nadležnog ministarstva Bosne i Hercegovine, po principu zastupljenosti konstitutivnih naroda Bosne i Hercegovine.
- (3) Članovi Upravnog odbora moraju da budu lica sa visokim ugledom finansijskog ili bankarskog stručnjaka ili stručnjaka iz oblasti osiguranja.
- (4) Članovi Upravnog odbora imenuju predsjedavajućeg i zamjenika predsjedavajućeg Upravnog odbora iz reda izabраниh članova.
- (5) Pojedinci predloženi za članove Upravnog odbora dužni su da predoče pismeni dokaz njihove kvalifikovanosti i potvrdu prihvatanja u slučaju imenovanja.
- (6) Mandat članova Upravnog odbora je četiri godine uz mogućnost ponovnog imenovanja u trajanju od četiri godine. Sljedeća činjenica biće uzeta u obzir: najmanje dva člana iz prethodnog mandata ostaće u novom sazivu.
- (7) Članovi Upravnog odbora Agencije za vrijeme trajanja mandata ne mogu da budu nosioci izvršne vlasti ili biti članovi nadzornog ili upravnog odbora bilo kojeg drugog pravnog subjekta.

Član 11.

#### **(Smjenjivanje i razrješenje dužnosti članova Upravnog odbora)**

- (1) Upravni odbor obavezan je da obavijesti Savjet ministara BiH o krivičnom ili nezakonitom postupanju bilo kojeg člana Upravnog odbora, te da predloži njegovo smjenjivanje.
- (2) Član Upravnog odbora može da bude razriješen dužnosti prije isteka mandata na lični zahtjev uz odobrenje Upravnog odbora.
- (3) U slučaju kada je član Upravnog odbora razriješen ili smijenjen, ili usljed smrti ili drugog razloga prestane vršiti svoje dužnosti u periodu više od 30 dana do isteka perioda na koji je imenovan, Savjet ministara BiH imenovaće novog člana Upravnog odbora u skladu sa odredbama ovog zakona. Novi član Upravnog odbora obavljaće dužnosti u periodu do isteka mandata njegovog prethodnika.

Član 12.

#### **(Sjednice Upravnog odbora)**

- (1) Sjednice Upravnog odbora održavaju se po potrebi, ali se moraju održavati najmanje jedanput svakog kalendarskog tromjesečja.
- (2) Upravni odbor napraviće raspored svojih sjednica kako bi se obezbijedilo redovno naizmjenično zasjedanje Upravnog odbora na lokacijama organizacionih jedinica Agencije.
- (3) Sjednice Upravnog odbora saziva predsjedavajući. Predsjedavajući saziva i posebnu sjednicu na zahtjev direktora Agencije ili na zahtjev dva člana Upravnog odbora, najkasnije u roku od 14 dana od dana prijema zahtjeva. U suprotnom, lice koje je podnijelo zahtjev ovlašteno je da sazove posebnu sjednicu.

- (4) Pisani poziv za sjednicu Upravnog odbora, koji sadrži datum, vrijeme početka, mjesto održavanja sjednice i dnevni red dostavlja se članovima Upravnog odbora nakasnije sedam dana prije dana održavanja sjednice. Materijal za svaku tačku dnevnog reda prilaže se uz poziv za sjednicu.
- (5) Lica koja nisu članovi Upravnog odbora mogu da prisustvuju sjednici samo uz pisani poziv predsjedavajućeg.
- (6) Za vrijeme održavanja sjednica Upravnog odbora potreban je kvorum, koji čini većina ukupnog broja članova Upravnog odbora koja podrazumijeva prisustvo najmanje po jednog člana vlada entiteta.
- (7) Upravni odbor donosi Poslovnik o radu, kojim će precizirati pitanja o kojima će se odlučivati konsenzusom ili većinom prisutnih članova Upravnog odbora.
- (8) Predsjedavajući, zamjenik predsjedavajućeg ili članovi Upravnog odbora ne glasaju za pitanja vezana za njega lično.
- (9) Direktor Agencije i direktori filijala prisustvuju svim sjednicama Upravnog odbora, bez prava glasa. Predsjedavajući može da odredi da direktor Agencije i direktori filijala ne prisustvuju sjednici Upravnog odbora, ali mora u tom slučaju da obrazloži takvu odluku direktoru Agencije i direktorima filijala, kao i Upravnom odboru.
- (10) Upravni odbor Agencije, na prijedlog direktora, može da imenuje savjetnike Upravnog odbora. Savjetnici mogu da se imenuju iz reda osnivača ili donatora.

^lan 13.

#### **(Djelatnost Upravnog odbora)**

- (1) Upravni odbor:
  - a) imenuje rukovodstvo Agencije, kao i rukovodioce drugih organizacionih jedinica;
  - b) donosi Statut Agencije i druge opšte akte Agencije;
  - c) donosi sve propise, politike, uputstva i naknade za upravljanje i poslovanje Agencije u skladu sa ovim zakonom, zakonima države ili u skladu s praksom zdravog upravljanja;
  - d) na prijedlog direktora i zamjenika direktora, donosi finansijski plan i plana rada IGA-e i usvaja godišnji izvještaj i izvještaj o radu;
  - e) odobrava na prijedlog rukovodstva Agencije, plate i druge naknade za sve zaposlene u Agenciji, ukoliko nije drugačije propisano zakonima ili propisima BiH;
  - f) donosi sve potrebne propise i uputstva o radu Upravnog odbora;
  - g) odlučuje o potrebnoj stručnoj kvalifikaciji rukovodstva Agencije i drugih rukovodnih funkcija;
  - h) odobrava godišnje imenovanje spoljnog revizora Agencije, na prijedlog rukovodstva Agencije.

^lan 14.

#### **(Izveštavanje i nadzor)**

- (1) Upravni odbor odgovoran je za nadzor poslovanja Agencije.
- (2) Upravni odbor dužan je da usvoji godišnji izvještaj o radu i finansijski plan za narednu godinu u roku od tri mjeseca po završetku kalendarske godine i u tom roku da ga dostavi na objavljivanje "Službenom glasniku BiH".
- (3) Upravni odbor dužan je Savjetu ministara Bosne i Hercegovine i Parlamentarnoj skupštini Bosne i Hercegovine dostaviti izvještaj o svom radu najmanje jednom godišnje.
- (4) Godišnji finansijsko-računovodstveni izvještaj je predmet međunarodne finansijske revizije.
- (5) Godišnji izvještaj o radu sa finansijskim planom za narednu godinu i izvještaj međunarodnog finansijskog revizora, Upravni odbor obavezan je da dostavi Predsjedništvu Bosne i Hercegovine i nadležnom ministarstvu kao informaciju, u roku od tri mjeseca od završetka prethodne kalendarske godine.

^lan 15.

#### **(Međuministarsko vijeće)**

- (1) Direktor i zamjenici direktora IGA-e obavezni su da polugodišnje podnose informaciju o poslovanju IGA-e Međuministarskom vijeću.
- (2) Međuministarsko vijeće čine:
  - a) ministar finansija i trezora BiH;
  - b) ministar spoljne trgovine i ekonomskih odnosa BiH;
  - c) po dva predstavnika vlada entiteta iz reda ministara nadležnih ministarstava.
- (3) Međuministarsko vijeće razmatra podnesenu informaciju i donosi smjernice koje su obavezujuće za rad IGA-e.

^lan 16.

#### **(Rukovođenje)**

- (1) Rukovodstvo se sastoji od generalnog direktora i dva zamjenika generalnog direktora.
- (2) Izbor i imenovanje članova rukovodstva vrši Upravni odbor na principu zastupljenosti svih konstitutivnih naroda BiH.
- (3) Rukovodstvo Agencije imenuje se na period do četiri godine.
- (4) Ponovno imenovanje nije ograničeno brojem imenovanja, ali procedura imenovanja svaki put mora da se ponovi.
- (5) Bilo koja pozicija u rukovodstvu može biti nepopunjena najduže 60 dana od dana kada je postala upražnjena.
- (6) U slučaju da Upravni odbor nije izvršio imenovanje na bilo koju poziciju u rukovodstvu u datom roku, tada Upravni odbor vrši privremeno imenovanje do krajnjeg izbora i imenovanja.

- (7) Lica imenovana u smislu stava (6) ovog člana, imaju puna ovlaštenja tih pozicija u skladu s odredbama ovog zakona.
- (8) U trenutku imenovanja i za vrijeme trajanja svog mandata, članovi rukovodstva Agencije ne mogu da budu u bračnoj zajednici ili u krvnom srodstvu do trećeg stepena srodstva s članom Upravnog odbora Agencije.
- (9) Rukovodstvo Agencije obavezno je da obavijesti Upravni odbor Agencije u pisanom obliku o interesima iz stava (8) ovog člana, koji imaju oni ili s njima povezana lica.
- (10) Rukovodstvu Agencije zabranjeno je obavljanje rukovodeće funkcije i članstvo u Upravnom odboru u pravnom subjektu koji je saosnivač Agencije u roku dvije godine nakon završetka zaposlenja u Agenciji, bez prethodnog pismenog odobrenja Upravnog odbora.

#### ^lan 17.

#### **(Prava i obaveze rukovodstva)**

- (1) Generalni direktor je predsjedavajući Rukovodstva Agencije, predstavlja i zastupa Agenciju, rukovodi radom Agencije i odgovoran je za poslovanje Agencije.
- (2) Rukovodstvo obavlja sljedeće aktivnosti:
- a) predlaže Upravnom odboru sva opšta akta, pravila, uputstva i sl., koja odobrava i donosi Upravni odbor;
  - b) zastupa Agenciju u odnosima s klijentima i svim drugim institucijama;
  - c) sprovodi politike i sve druge odluke Upravnog odbora;
  - d) utvrđuje i odobrava odgovarajuću stručnu kvalifikaciju personala Agencije ispod nivoa direktora filijala;
  - e) odlučuje o zasnivanju i prestanku radnog odnosa svih zaposlenih ispod nivoa direktora filijala uz konsultacije sa direktorima filijala;
  - f) predlaže Upravnom odboru plate i druge naknade uposlenika Agencije;
  - g) predlaže Upravnom odboru izbor spoljnog revizora Agencije.
- (3) Na čelu svake filijale nalazi se po jedan od zamjenika direktora.
- (4) Upravni odbor odlučuje o postavljanju zamjenika direktora na čelo određene filijale.
- (5) Zamjenik direktora odgovoran je za uspješnost poslovanja filijale na čijem čelu se nalazi.
- (6) Generalni direktor Agencije može da prenese svoja ovlaštenja u slučaju službenog ili bilo kojeg drugog odsustva na bilo kojeg od svojih zamjenika.
- (7) Bilo koji posao iz stava (6) ovog člana generalni direktor Agencije može da prenese na svog zamjenika u vidu pojedinačnog ovlaštenja ili kao ovlaštenje koje on dijeli s rukovodstvom Agencije.



- (8) Sva ovlaštenja iz stava (7) ovog člana moraju da budu u pisanom obliku.
- (9) Svako ovlaštenje može da se opozve u bilo koje vrijeme. Takvo ovlaštenje stupa na snagu odmah po prijemu odgovarajućeg pismenog obavještenja.
- (10) Generalni direktor Agencije obavezan je da kontinuirano obavještava svoje zamjenike o svim aspektima poslovanja Agencije, kako bi se zamjenici mogli bez poteškoća uključiti u obavljanje dužnosti prenesenih ovlaštenjem.
- (11) Rukovodstvo Agencije učestvuje u radu Upravnog odbora bez prava glasa u Upravnom odboru.
- (12) Rukovodstvo Agencije je za svoj rad odgovorno Upravnom odboru.
- (13) Rukovodstvo Agencije konsultuje se sa direktorima filijala, kao i s drugim odgovarajućim personalom Agencije prilikom donošenja odluka u vezi s poslovanjem Agencije ili pripreme prijedloga Upravnom odboru. Sve odluke i prijedlozi predstavljaju konačno ovlaštenje i odgovornost direktora Agencije.

^lan 18.

#### **(Poslovna tajna)**

- (1) ^lanovi Upravnog odbora Agencije, rukovodstvo Agencije kao i svi zaposleni u Agenciji, te sva druga lica koja je angažovala Agencija u svom poslovanju i sva druga lica koja obavljaju poslove na privremenom osnovu, obavezna su da čuvaju poslovnu tajnu, sve informacije do kojih dođu u okviru svoga posla.
- (2) Obaveze iz stava (1) ovog člana traju i po prestanku radnog odnosa, angažovanja ili članstva u Upravnom odboru ili bilo kojeg drugog posla u Agenciji
- (3) Poslovna tajna biće primjenjivana osim ako nije drugačije predviđeno Zakonom.

#### **V - FINANSIJSKO POSLOVANJE**

^lan 19.

#### **(Finansiranje Agencije)**

- (1) Operativni troškovi Agencije, usklađeni sa finansijskim planom, finansiraju se iz prihoda od naknada, donacija i prihoda od plasmana iz kapitala Agencije.
- (2) Godišnji višak prihoda nad rashodima Agencije raspoređuju se u skladu s odlukom Upravnog odbora.

^lan 20.

#### **(Obračunavanje viška prihoda i čistog gubitka)**

Agencija, u skladu s međunarodnim računovodstvenim standardima, na osnovu čistih poslovnih prihoda ili gubitaka (uključujući realizovane gubitke i dobitke) i čiste nerealizovane procijenjene dobitke ili gubitke, obračunava višak prihoda ili čisti gubitak, nakon donošenja odluka o spornim i sumnjivim potraživanjima i iznosu amortizacije.

^lan 21.

**(Raspodjela viška prihoda)**

(1) Ako Agencija ostvari višak prihoda u toku bilo koje buĐetske godine, tako ostvaren višak prihoda raporeĐuje Upravni odbor Agencije na sljedeći naćin:

a) u Fond za rezerve polica osiguranja, koji se formira odlukom Upravnog odbora, a koji je potreban da se poveća iznos rezervi na nivo koji je ekvivalentan iznosu izdatih polica i moĐe da se koristi samo za kompenziranje gubitka po osnovu izdatih polica - preuzetog rizika;

b) u specijalnu rezervu koju formira Upravni odbor i koja moĐe da se koristi iskljućivo na osnovu jednoglasne odluke Upravnog odbora.

^lan 22.

**(Pokrivanje ćistog gubitka)**

(1) Ako Agencija ostvari ćist gubitak u bilo kojoj buĐetskoj godini, on se namiruje na naćin kako slijedi:

a) gubitak nastao po osnovu izdatih polica osiguranja pokriva se iz Fonda osnovanog u skladu sa taćkom a) ćlana 21. ovog zakona;

b) gubitak nastao kao rezultat poslovanja Agencije po osnovu drugih aktivnosti, izuzev izdavanja polica osiguranja, pokriva se iz specijalne rezerve.

**VI - PRELAZNE I ZAVRŠNE ODREDBE**

^lan 23.

**(Prenos prava i obaveza)**

(1) Od dana stupanja na snagu ovog zakona, sredstva, prava i obaveze i zaposleni personal Agencije za izdavanje garancija od politićkog i ratnog rizika inostranim investitorima i trgovcima IGA d.o.o. Sarajevo (u daljem tekstu: "IGA") prenose se na Agenciju.

(2) Agencija je pravni nasljednik "IGA"-e.

(3) "IGA" je duĐna da u roku od 60 dana od dana stupanja na snagu ovog zakona pripremi potrebne finansijsko - raćunovodstvene izvještaje radi upisa u registar, koji jasno specifikuje osnivaćki kapital Agencije i sve druge potrebne finansijske indikatore.

^lan 24.

**(Registracija)**

(1) Agencija je registrovana u skladu sa Zakonom o registraciji pravnih lica koja osnivaju institucije Bosne i Hercegovine.

(2) Agencija, najkasnije u roku od 90 dana, od dana stupanja na snagu ovog zakona mora biti registrovana u skladu s odredbama ovog zakona.

^lan 25.

**(Odgovornost u prelaznom periodu)**

- (1) Savjet ministara Bosne i Hercegovine odgovoran je da se, u roku od 60 dana od dana stupanja na snagu ovog zakona, izvrši imenovanje Upravnog odbora Agencije.
- (2) Upravni odbor Agencije će, u roku od 60 dana od dana imenovanja članova, a najkasnije u roku od šest mjeseci od dana stupanja na snagu ovog zakona, izvršiti imenovanje direktora Agencije i direktora filijala.
- (3) Rukovodstvo "IGA"-e će do izbora rukovodstva Agencije, u skladu sa odredbama ovog zakona, obavljati poslove rukovođenja Agencijom.

^lan 26.

**(Stupanje na snagu Zakona)**

- (1) Danom stupanja na snagu ovog zakona prestaje da važi Odluka o osnivanju agencije za izdavanje garancija od političkog i ratnog rizika inozemnim investitorima i trgovcima (IGA) SM broj 011-286/97 od 28.10.1997. godine.
- (2) Ovaj zakon stupa na snagu danom objavljivanja u "Službenom glasniku BiH".

---

PSBiH broj 132/04  
23. decembra 2004. godine  
Sarajevo

Predsjedavajući  
Predstavničkog doma  
Parlamentarne skupštine BiH  
**Šefik Đaferović**, s. r.

Predsjedavajući  
Doma naroda  
Parlamentarne skupštine BiH  
**Goran Milojević**, s. r.